



[Remarque: Den kaso di diferencia entre e vershonnan di idioma, e [vershon hulandes](#) ta prevalesé]

Relato final di Trahadónan di Patrimonio Karibense

Pa por stipulá e kontribushon definitivamente, petishonarionan honrá mester entregá un relato final supstansial i finansiero denter di 3 luna despues di e fecha final di e periodo di subsidio.

Bo ta entregá e relato final via di un formulario ku bo por haña den nos sistema di petishon digital:

<https://aanvragen-mondriaanfonds.nl>. Asina ku bo a drenta e sistema, bo ta haña e petishon relevante den bo inbox. Klek riba e tarea Relato Final Digital/Rapòrt di Evaluashon i e formulario lo habri outomátikamente. Yena e datonan i upload e relato final finansiero i supstansial komo anekso.

Relato finansiero final

Pa kontribushonnan di € 25.000,-- i mas Mondriaan Fonds tin ku risibí un relato finansiero denter di 3 luna despues di e fecha final di e periodo di subsidio. Den e lista detayá akí bo ta duna un bista di e gastunan relevante di personal, e kontribushon di Mondriaan Fonds, e kontribushon propio mínimo di 5% i e durashon di e periodo di subsidio. Paga tinu ku den e areglo akí un mínimo di € 40.000 di e kontribushon di Mondriaan Fonds mester wòrdu usá pa gastunan di salario bruto di e trahadó i e gastunan di e dunadó di trabou relashoná ku e salario. Por gasta e sobrá parti di e kontribushon di e fondo na kostonan pa desaroyo profeshonal (un máksimo di € 5.000) i gastunan di biahe i estadia (un máksimo di € 5.000) pa e trahadó durante e periodo di subsidio. Komo prueba tras di e gastunan akí nos tin mester di e kontrato(nan) di trabou relevante den kua ta mensioná klaramente por lo ménos e nòmber, funshon, deskripsion di tarea i e salario. Nos lo ke risibí tambe un kopia di e estado di salario individual. En konekshon ku legislashon di privasidat mester hasi e sobrá datonan personal (manera datonan di kontakto i fecha di nasementu) ilegibel. Nos lo ke risibí kopia di fakturanan di eventual gastunan hasí pa desaroyo profeshonal i/òf gastunan di biahe i estadia.

Relato final supstansial

Petishonarionan honrá mester entregá un relato supstansial tambe ku un evaluashon konsiso denter di 3 luna despues di e fecha final di e periodo di subsidio. Den esaki ta reflekshoná riba e impakto di e kontribushon i eventual resultadonan relevante (visibilidat, presentashonnan, proyektonan realisá, etc.).

Mester entregá relatonan finansiero i supstansial separadamente.

Bo tin preguntanan supstansial tokante e relato final? Tuma kontakto ku un trahadó di proyekto i mensioná e number di petishon den e email.

Lara Riga lara.riga@mondriaanfonds.nl 020 523 16 38

Talitha van Ooyen talitha.vanooyen@mondriaanfonds.nl 020 523 15 63

Por email preguntanan finansiero, ku mension di e number di petishon, na: financien@mondriaanfonds.nl

yüni 2026